

Banal

Heller Wumest

–

Wider mal het mini Stimm mi verla,
Hed ihres Ruckseckli packt und isch gange.
E tosend krachende Sturm hed si mer gla,
So guet wi toub bini drinn blibe hange.

Ungloublech wit vo mir furt hase ghört,
Verbleichti Reminiszänz hed si kund ta.
Eigentlech hät mi das nid emal gstört,
Vo mir us hätt si se o chönne dert la.

Da druf isch si allerdings wider cho,
Uf me Tablett hed si Sache derbi gha.
Problem u Frage u Lösige o,
So vil dervo, hed das alles no Platz da?

Sueche cha no mänge,
Ds weiss si ganz genau –
Losere zue si verzellts der nomal.
Bhoupdet si sig fündig worde, so genial,
Aber alls wo si seit isch banal.

Wider mal isch mini Stimm wider zrügg,
Der Sturm isch aber nid lisliger worde.
Si hed ne gfuetret mit risige Stück, är
Hed alli Antworte gno u verschlunge.

U z Übriglibne hed si, wi sechs ghört,
Zu allne stoubige Lide i Schrank ta.
Ganz lisli isch si i mi wider igchehrt,
Nume e Spalt hed si d Schranktüre off gla.